



DEO OPTIMO MAXIMO
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono,

QUÆSTIO MEDICA,

QUODLIBETARIIS DISPUTATIONIBUS
*manè discutienda in Scholis Medicorum, die Jovis quartâ
Februarii anni M. DCC. XXXIV.*

M. RAYMUNDO DE LA RIVIERE,
Doctore Medico, Præside. *Autore.*

An à spirituum animalium inordinatione Tympanites ?

I.



ANAT qui noscit morborum causas, non sanat qui nescit. Indè quò abstrusior morbi causa, eò difficilior curatio; eò verò facilior, quò patet illa magis. At sæpè dùm patentem credimus arripere, fugit & absconditur intimius; dùm scrutamur abstrusam, sæpè aut falsâ nos deludit imagine, aut varias induendo larvas errores mentitur varios. Hinc tot tamque diversis scatet Medicina systematibus, à quorum farragine veritas adeò intricata vix sese explicaret, ni posthabitis omnibus præjudiciis ad serium examen interdùm reduceretur. Sed in rebus Medicis non facilis præjudiciorum demissio, non facilis ad causas via. Hic fallax *symptomatum* unâ concurrentium

autem sanantem ludit; hic mendax morbi benignitas pravâ tranquillitate ægrum leniter perimit: hic incerta crisis vitam mortemvè molita diù, salutiferas Medici manus morando detinet. Hic tandem perfida eruptio altè in peneralibus dudum retenta subito cum morte micat. Quid tùm? Hæret in tali Medicus æquore: quarit causas, errorem vix, nisi cautus, declinat. In morbis enim aliquando causâ pro effectu, effectus pro causâ sumitur.

I I.

MIRUM-NE? infensa Natura ducit; alterque velut Leo rugiens ipsâ Medici scientiâ Medicum torquet. Dicam ampliùs: Vates insida Medici prævidet errorem, falsæque non tantùm spontè assentitur idæ, sed & undè confirmetur abundè suppeditat. At, inquires: jam ergò Naturæ nulla fides; jam non audienda Naturæ vox. Absit: horridis non semper accincta telis, non semper torvum quid minatur Natura; imò quandôque levis afflans ultrò sese expedit benigna: amicam prosequor, inimicam respicio. Nunc quibus innotescat amica signis, quibus inimica, distinguere esset: jam verò illud extrâ oleas. Mutat faciem pro variis morborum speciebus; in hæc amat latebras, in illâ caput effert. Nec proprias morbi sedes effodiendo occultam detegere existimes; non tam gracili cedit armaturæ; longè fugit intacta, delassatumque procul, morbi oneratum umbrâ scrutatorem aspicit. Sic latent causæ; sic in Tympanite effectus pro causâ sumitur.

I I I.

TYMPANITES, siccus hydrops Hippocratis, abdominis tumor est fixus, æquabilis, durus, renitens, & à pulsatione instat Tympani sonitum edens. Quanam sit illius tumoris materies, quanamve profiliat scattigine, non ita constat. Ideò à flatibus oriri vulgò creditur, quòd Tympanici conceptûs sui *potest* & tempus & modum ignorantes, quasi vento gravidi subito appareant. Nùm reverâ flatus causa sint, nùm animum veritatis avidum convincat hæc sententia, facile mox dijudicatu erit. Ac primò-quâ potissimùm gaudeant flatus speluncâ, ex vulgari systemate considerandum venit. Non eadem ab omnibus assignatur: hos enim vel in intestinorum, præsertim tenuiorum, vacuitatibus, vel intrâ ipsorum *mesenterique* tunicas, vel in abdominis cavo, flatibus, ut in *ascite* undâ, tumefacto, vel denique in texturâ cellulari Ruischianâ recondunt Assertores. Porro relictis rationum momentis, quibus isti fidem assertioni faciunt, quasque ordine referemus domos, hospitem chimæram salutabunt. Quid, quæso, ad Tympanitem intestinorum distenta cavitas? dùm tumor fixus, constans, immobilis remanet; dùm vi plusquam *Æolâ* flatibus erumpentes nec solamen agro, nec tumori imminutionem afferunt. Quid *mesenterii* tunicarum inflatio? dùm tumoris latè diffusi moles ingens pensatur simul; dùm illâ inflatione divulsis à se invicem membranis tormina continua, cruciatus acerimi supponerentur. Quid ampliati abdominis immensitas? dùm nullo probari potest argumento flatuum aggestionis modus, dùm tanta aggeries acuto Paracelseos non solvitur telo. Quid tandem textura cellularis Ruischiana? dùm non per vices gradatimque velut

accrescit, verùm repenti adoritur tumor; dùm cellula humore oleoso semper madefacta tùm interno tùm externo aditum præcludunt aëri. Sed esto: hæc flatus atria celebrent; non majus inde systemati pondus accedet. Concipe *gænum*, & injustam suspicionem excute. Flatus in abdomine contenti aut propriâ partes ingrediuntur, elevant, retinent potentiâ; aut partes ipsæ, quacumque de causâ in molem eductæ primariò, flatuum generationi ansum præbent. Priorem suscipis hypothesim? Erras. Qui enim certus adeò permaneret *oxyæ* partium? Nonne fugitivum hostem *elasticâ* vi, pondere, mole retonderent partes? Cur non exiret transfuga? Cur non, quâ data porta remissici sedulus, eadem gressus præcipitaret? Ast inquis: nullâ auctoritate viget altera: quin adsunt repugnantia. Causam admittis; illius causæ flatus erunt simpliciter effectus; jamque flatuum damno poterit extrui Tympanites. Hanc ignoramus causam. Disce, & à spiritu animalium inordinatione repetendam existima.

I V.

IN spasmodicis affectibus *atralis* subire, *obscus* irruere spirituum dos, partium intumescencias excitare dotis corollarium. Sensit indolem Medicorum Princeps, hosque non immeritò *ispæmus* vocat. Huic genio sua debet principia Tympanites, ab incongruo spirituum in fibras nerveas influxu omninò dependens. Problem? in promptu res est. Arguunt partium structura, spirituum indoles, morbi *Ætiologia*. Ex omnibus imi ventris visceribus, si renes, lienem, hepar tantisper excipias, restat membranaceum quid, fibris majori copiâ contextum nerveis; proindeque spiritûs insolentis furori magis obnoxium. Huc ille eò fertur lubentiùs, quò ampliori potitur diverticulo. Quod quidem, si pervivum concedatur, ambit pacatè, irrorans cuncta, flexilitatem concilians, munera præfens ubique distribuens. Ast impervio secus est: sive enim alvei constrictione præcludatur aditus, sive turgidæ nimium rumpantur fibrillæ, tunc nullis obligari legibus, impiè tunc agitare partes, sedibus ingnari, inflare omnia. Nec effrænum terret soluti penitus canalis injuria, sævit immaniùs ultimò, pyriique pulveris affectans modos factâ fugit explosione. His præhabitis, qui inordinatus spirituum cursus ad affectionem Tympanicam conferat, penè deduceres: sed rem apertè declarant affines morbi. Illud in praxi observare est quòd tùm Hystericis, tùm Hypochondriacis insultibus succedat sæpè Tympanites; ita ut ventris intumescencia, quæ priùs *symptoma* erat vagum & citò pertransiens, demùm morbus permanens & fixus evadat. Hujus *Metamorphoseas* rationem investigando mens velut filo ducitur. Quæ etenim affectûs erit Hysterici, erit & eadem origo Tympanici. Prioris patens spirituum inordinatio, posteriori favet intimiùs: dùmque repetitis ictibus pars illa concutitur, intereâ mox raptis aggeribus, totoque abdomine commotò, totus erumpit tumor. Hâc arte Tympanitem primariò efformari quid vetat? Si eadem causâ, sed in actu validiùs & perpetim existente, simile quid exurgat necessario.

V.

ERGO non pluris erunt flatus Tympaniti, quàm sunt v.g. Asthmati. Nec tamen absonum quid adeò reputes; tanta enim est inter utrumque analogia, ut illud in hanc sæpè desinat. Quare ex hypothesi non inficias imus;

quin, si meminerò, concessum est intrà viscerum abdominis vacuola flatus posse generari. Sed præterquàm quòd ob innatam fugæ propensionem nullius ibi forent momenti; falsò etiam suspicaretur eorum præsentia, ni spirituum ope inflatis partibus, inanes istis, antea relinquerentur via. At reluctantium undique catervas audio; jamque cumulo *in æteri* halitu tumidas eruant voces. Colicis vexatos doloribus opponunt, flatulentæque materiâ ventre onerato flatuum vim, potentiam arguunt, ostentant imperium. Prodigiosus sanè terreret apparatus, nisi hunc ad nostræ thesæos normam reducere rectius esset: contendimusque non magis huic, quàm illi morbo flatus conducere. Peculiaria quædam passionis Colicæ *symptomata* insequere: urget dolor intensissimus, adsunt motus spasmodici, aut extris quandoque conspiciui, aut intus eodem dolore specialiter designati. Quid inde? spirituum impetu distrahuntur fibræ, dilatantur intestina, coarctantur glandulæ, exit humor tenuis, in vapores abit, generantur flatus. *Opiata* porrigere: relaxatis iisdem fibris passio consopita *Eclipsim* patitur. Fortè inquires: (utriusque morbo si causa similis) cur levis admodum in Tympanite persentiatur dolor? cur non solvant, saltem ad tempus, *Opiata* Tympanitem? Ratio hæc est: In colico dolore fibræ, fortiter tensæ licet, integræ remanent; maximâ verò ex parte rumpuntur in Tympanite. Nihil agunt *Opiata*, dum fibrarum ruptionem sequitur explosio. Attamen in quibusdam casibus habent locum; ut olim, post recens vulnus, Tympanitem mihimet his sanare semel contigit remediis. Itaque spirituum præda Tympanites sua spiritibus iratis debet initia, suum ab eorum existentia complementum habet. De hac existentia forsitan dubitas? Nervorum structuram, motus, actiones perpende scrupulosius; obscuriores operantis Naturæ modos rimare altius: *Archæi* spontaneas indignationes acutioribus inspicere oculis. Id omne spirituum vim redolet: id omne, sublati spiritibus, languidiorem re-præsentat *mechanismum*. Sed quorsum his diutius insisterem argumentis? spirituum existentia saniori Medicorum parti comprobatur; suaque pessimo jure tolleretur Tympaniti causa. Undè concludere licet:

Ergò à spirituum animalium inordinatione Tympanites.

DOMINI DOCTORES DISPUTATURI.

*M. Nicolaus Le Roy de
Saint Aignan.*

M. David Vasse.

*M. Andreas - Josephus
Seron.*

*M. Thomas - Renatus
Gasnier.*

*M. Philippus Davier de
Breville, Dotaria His-
paniarum Regina Me-
dicus perpetuo ordinarius.*

*M. Jacobus Trant, è Re-
gia Scientiarum Acade-
miâ.*

*M. Andreas de Laleu, Chi-
rurgia Professor.*

M. Petrus-Antonius Lepy.

*M. Elias Col de Vilars,
Chirurgia Idiomate Gal-
lico Professor, Regis Con-
siliarius, & in ejus Ca-
stelletto Parisiensi Medi-
cus ordinarius.*

Proponebat Parisiis OLIVARIUS BOUGOURD
Constantienfis, Baccalaureus Medicus, A. R. S. H.

1734, à sextâ ad meridiem.